

I N

Annum Millefimum Septingen- tesimum.

POST mille exactos à partu virginis annos,
 Et tria bis porro sæcula, lapsa prius.
Centuriam claudit *septenam* hic omine fausto,
 Tempora lætitiæ totus & aënis habet.
 Nunc emittendi captivi ex carcere cæco,
 Et miseris largâ munera danda manu.
 Hactenus attriti fuimus bellisq; fameque,
 Interijtque gravi frigore turba frequens.
 Sed nunc bella silent, torpent lituique canori;
 Et Cereris pretium est vilius atque fuit.
 Ipsa soli & cœli facies blanditur amicè,
 Cessat & iste hyemum qui fuit ante rigor.
 Eque *Caledoniâ* manarunt nuncia grata,
 Unde brevi ingentes, spero, vehentur opes.
 Auspicijs igitur tantis cum cuncta gerantur,
Scotia mox lætum tollet ad astra caput.
 Cuique suum dabitur : terras *Astræa* reviset,
 Incolet & nostros copia paxque Lares.

Interea afflicti, lector, membris esto Poeta,

Qui premitur podagrâ, pauperieq; simul.

W. D.

A · D

NOBILISSIMOS, AMPLISSIMOS,
Consultissimosque Viros, Senatores in supremo foro Juridico,
JUDICES REGIOS:
CAUSARUM PATRONOS

Doctissimos, Disertissimos, & de Republicâ optimè meritos:

Necnon Vigilantissimos, Peritissimosque Signeto Regio

S C R I B A S:

Dedicatio Paraphraseos Psal CIV.

Modulante *Gualtero Deniston*, Ludimagistro *Mussilburgensi*.

*Ipse tuebatur quondam sua carmina David,
Davide defuncto Nympha ferebat opem.
Nunc cum nulla satis vestro sine numine tuta
Causa sit, hoc VOBIS jure dicatur Opus.*

PSAL. CIV.



1 **D** Exteram invictam canimus Jovamque
Qui triumphatis hominum & Deorum
Præfidet regnis, animatque vasto
Numine mundum.

2 Quam tuæ magnus stupefecit orbem
Gloriæ Splendor! Sacra tu sereni
Pandis, immensum veluti volumen,
Atria Cœli.

3 Tu domos priscæ penetras Abyssi,
Tu rotis nubes vehis inquietis,
Et manus ventis tua Dædaleas
Assuit alas.

4 Jura tu brutis rigidasque leges
Rebus imponis; quibus antra parent
Æoli: parent rapidæ fluenta
Fervida flammæ.

A

5 Tu

- 5 Tu jubes terram solitâ revolvi
Orbitâ, gyros sibi constitutos
Audeat ne quo violare quondam
Avia saltu.
- 6 Hanc fallo victis dominante ripis
Condidit merfam Deus, & superba
Montium illufit juga vis aquarum,
Iraque ponti.
- 7 Voce sed magnâ moniti Tonantis
Pristinas fluctus petiêre sedes,
Et minas ponti domat æstuantis
Reddita Tellus.
- 8 Illa disjectis violenter undis
Vox, salutari penitus ruinâ
Montium nasci juga, valliumque
Æquora jussit.
- 9 Arduum sævis marium procellis
Littus opponis, tumidumque arenæ
Aggerem, quem non superabit æstu
Unda rebelli.
- 10 Et tamen valles salientis undæ
Rivulos potant, tua quos cavernis
Montium excivit, rapuitque in imos
Dextera campos.
- 11 Quos hibunt densæ pecorum catervæ,
Quos feræ potant aviumque turmæ,
Queis sitim pellunt Onagri colentes
Invia Tesqua.
- 12 Tu doces lætas volucrum cohortes
Ramulos parvis onerare tectis,
Et levi propter Latices morari
Otia cantu.
- 13 Proluit siccam pluvialis Æther
Barbam, & arentes humeros Atlantis,
Grarum opus glebæ sitientis agris,
Agricolisque.
- 14 Ebria epotis alacrisque tellus,
Nubibus gramen pecori dicatum,
Divitem humani pretium laboris
Sufficit herbam,
- 15 Vita frumentis alitur, Falerno
Redditur tælix, oleo nitescit
Frons, & ærumnas animis abesse
Indicat atras.

16 Syderum invadit patriam propago
Arborum potis animosa lymphis,
Et caput Cedrus Libani voluptas
Nubibus infert.

17 Cedrus incertis avium catervis
Dat lares dulces: abies Pelargum
Accipit civem, piceo salubris
Grataque succo.

18 Cuncta Divini regit ordo fati,
Montium Damis juga destinantur,
Inter & rupes latebras Echinus
Invenit aptas.

19 Tu stato Lunam reditu fatigas:
Solis alternas radiis corusci
Objicis terras, retrahisque densam
Noctis in umbram.

20 Eripis Soli, tenebrisque terras
Tradis ereptas, fera tum relictis
Ut famis suasit rabies cavernis
Territat orbem.

21 Ille prædonum Leo sævientum
Rex, & ipsarum domitor ferarum
Inverecundo licet ore, supplex:
Te rogat escam.

22 Sol, ubi averſæ rediere terræ,
Cogit occultis ſtabulis Leones,
Tunc levant turmæ pecorum diurno
Corpora ſomno.

23 Tum quoque ipſorum domitor Leonum
Excutit ſomnos homo, tum labores
Impiger poſcit, recreatque ſero
Membra ſopore.

24 Quanta ſolertis monumenta dextræ
Eminent! dextræ freta quæ facesque
Syderum & terras agit, ſub omni
Sole jacentes.

25 Quæ per immenſas pelagi paludes
Piſcium ignotos populos, mariſque
Barbaras gentes agit, & profundo
Gurgite verſat.

26 Hic volant Puppes, choreæque Cete
Improbæ campo celebrant in udo,
Humidum vulgus ſtupet, & per omnes
Diffugit undas:

- 27 Quæsovet tellus, fluidumque regnum
Tethyos, turmas miserans egenas,
Tu soves solus, recreasque dolci
Munere vitæ.
- 28 Dividis cunctis alimenta, dextram
Laudat altricem Tribus omnis, & te
Exigit vitæ placidum statutæ
Auspice tempus.
- 29 Tu relegatas animas in Orcum
Trudis, & vitæ rubicunda rumpis
Stamina, occlusis adytis viisque
Sanguinis almi.
- 30 Ast ubi fibris residem ciere
In suos flexus placuit cruorem,
Tum ferax natis subito renidet
Terra colonis.
- 31 Omnis hunc tellus colet, omnis ætas
Cernet æterno celebrem triumpho,
Ipse lustrabit placido beatas,
Luminæ terras.
- 32 Illius nutu trepidare magnus
Orbis; excelsi trepidare montes:
Et metum mistâ tremulo favillâ
Prodere fumo.
- 33 Ille dicetur mihi; semper illum
Nostra clarabit Lyra, dum nec anni
Denegant vires, neque sanguis arti
Tardior obstat.
- 34 Sola nam nobis Deus est voluptas;
Huic ego inducam choreas ovantes
Victor, Eois numeris peritus
Condere carmen,
- 35 Det Deus terrâ pietas ut omni
Regnet, æternâ pietate Regum
Mens colat Regem, referatque casto.
Pectore Laudes.